

3.

## SÉRHVER UNNINN SIGUR

## VERDUR NÝR AFLGJAFI

Kaflar úr landsfundarræðu 1943

(Morgunblaðið 18. júní 1943)

Ég kem þá að sjálfstæðismálínu. Ég þarf ekki að ræða hin merku spor, er stigin voru á Alþingi 1940 og 1941. Um þau voru allir sammála.

Sú eining ríkti raunar að minnsta kosti á yfirborðinu á vorþinginu 1942. Dá tóku allir flokkar þátt í því að kjósa stjórnarskrárnefnd, sem skyldi undirbúa mális í hendur sumarþingsins, sem koma átti saman að afloknum kosningum 5. júlí, í því formi, að á sumarþinginu yrði hægt að samþykkja nýja stjórnarskrárbreytingu um stofnun íslenzks lýðveldis og kosning ríkisforseta, stjórnarskrá, sem svo endanlega yrði samþykkt á haustþinginu er komi saman að afloknum síðari kosningum, sem voru 18. og 19. október síðastliðinn. Gerðu allir flokkar þetta mál þannig að sínu stefnumáli við kosningarnar 5. júlí. En á sumarþinginu 1942 varð, eins og ég áðan gat um, ágreiningur um mális, og tel ég mér skylt að gera nokkra grein fyrir því, er þá skeði.

### Tilmæli Bandaríkjanna

Dað mun hafa verið 26. júlí síðastliðinn, að einn af vandamestu mönnum Bandaríkjanna, Harry Hopkins, kom hingað til Íslands. Hann átti tal við mig og skýrði mér frá skoðun Bandaríkjanna á sjálftæðismálínus, en ég skýrði honum hins vegar frá skoðun okkar íslendinga á því máli. 31. júlí bárust mér svo skilaboð frá stjórn Bandaríkjanna gegnum sendifulltrúa þeirra hérna í Reykjavík, þar sem farið var fram á, að íslendingar frestuðu að taka endanlegar ákvarðanir, eða stíga lokasporið í sjálftæðismálínus þar til eftir árslok 1943. 4. ágúst kom Alþingi saman og skýrði ég því þá þegar í stað á lokuðum fundi, frá hinu nýja viðhorfi í málínus. Ég fór fram á að skipuð yrði átta manna nefnd, tveir úr hverjum þingflokkum, til að ræða málið. Var nú tekið til óspilltra mála og hinn áttunda ágúst sendi ég stjórn Bandaríkjanna skýrslu um skoðun Íslands í málínus. Var meðal annars skýrt frá því, að Alþingi hafi tvisvar sinnum, 1928 og 1937, ákveðið að slíta öllu sambandi við Dani, strax og sambandslagasamningurinn heimilaði, og að ákvörðunin um stofnun lýðveldis hefði að baki sér, ekki aðeins alla flokka, heldur og alla þingmenn. Ennfremur að það sé skoðun íslenzkra fræðimenna studd af heimsfrægum erlendum fræðimönnum, að íslendingar hafi nú, vegna vanefnda Dana á samningnum, tvímelalausan rétt til þess að slíta öllu sambandi við Dani nú þegar. Þar segir ennfremur:

Vakin skal athygli á því, að 17. maí 1941, lýsti Alþingi því yfir einróma, að það teldi Ísland hafa öðlast rétt til fullra sambandsslita við Danmörku og það vildi að stofnað yrði lýðveldi á Íslandi, jafnskjótt og sambandinu við Danmörku verði formlega slitið. Þessar ályktanir höfðu þannig verið gerðar og birtar opinberlega áður en hervernd U.S.A.

á Íslandi kom til tals. Þessar ályktanir voru tilkynntar stjórn Dana formlega stjórnarleiðis.

Og loks segir, að það sé:

"Enda frumréttur viðurkenndrar fullvalda þjóðar að ákveða sjálf stjórnarfyrirkomulag sitt".

Ég skal geta þess, að höfuðrök Bandaríkjanna fyrir þeirri ósk, að við frestuðum lokasporinu þar til eftir árslok 1943 var sú, að Bandaríkin óttuðust, að það yrði notað til árása á Bandaríkin, að þau hefðu knúð okkur til að stíga lokasporið, meðan herliðið var hér á landi, en með þessari skýrslugjörð sönnuðu Íslendingar, að þessar ákværðanir voru teknar löngu áður en Bandaríkjaher kom hingað.

Mér barst svo svar Bandaríkjanna dagsett 20. ágúst 1942.

Þar segir meðal annars:

"Ríkisstjórn Bandaríkjanna viðurkennir, að ógilding samningsins og sambandsins og hinarr fyrirhuguðu breytingar á grundvallaratriðum í stjórnarfari Íslands, sé mál, sem íslenzka þjóðin setti ein á friðartíma að taka ákvörðun um, eftir óskum sínum og þörfum."

Og þar segir ennfremur:

"Vill Bandaríkjastjórn endurtaka þá bendingu, að rétt sé að fresta að taka ákvörðun um sambandsslitin þangað til betur stendur á, ekki aðeins vegna Bandaríkjanna og Íslands sjálfs, heldur og í þágu heimsskipulagsins og skilnings milli þjóða yfirleitt".

í þessari nótu var enn lögð höfuðáherzla á eins og getur í þessum tilfæröu orðum, að við frestuðum að stíga lokasporið. Alþingi íslendinga ákvað væri einróma að verða við þeirri beiðni, og tilkynnti Bandaríkjunum það, en bau tilkynntu okkur hins vegar með sérstakri nótu, að frá þeirra sjónarmiði væri alls ekkert því til fyrirstöðu, að Ísland yrði lýðveldi eftir árslok 1943.

Um þetta var samkomulag á þingi. En nú hófst baráttan um, í hvaða formi skyldi afgreiða málið. Ríkistjórnin leitaðist allt þingið við að ná samkomulagi og gerði allar tilraunir í þá átt, í því skyni að sam-eina alla flokka um afgreiðslu málsins. Þetta tókst þó ekki, en málinu lyktaði, sem kunnugt var, með því að samþykkt var svohljóðandi stjórnarskrárbreyting:

"Þegar Alþingi samþykkti þá breytingu á stjórnskipunar-lögum Íslands, sem greinir í ályktun þess frá 17. maí 1941, hefir sú samþykkt eins þings gildi, sem stjórnskipunarlag, er meiri hluti kosningabærra manna í landinu hefir með leyнilegri atkvæðagreiðslu samþykkt hana".

### Sjálfstæðisstjórnarskráin

Um sjálfstæðisstjórnarskrána, sem nú hefir verið staðfest undir forystu Sjálfstæðisfloksins, en sem Framsóknarflokkurinn kallar "spor aftur á bak", vil ég að öðru leyti segja þetta:

Í fyrsta lagi er það út af fyrir sig hagur fyrir íslendinga að hafa getað orðið við óskum og eindregnum tilmælum Bandaríkjanna. En það, sem vannst, er þó fyrst og fremst þetta tvennt:

1. Eftir samþykkt þessarar stjórnarskrárbreytingar getum við nú, hvenær sem er, með samþykkt eins Alþingis og án allra kosninga, stofnsett lýðveldi á Íslandi og kosið forseta. Ef engin samþykkt hefði verið gjörð á sumarþinginu, eins og Framsóknarflokkurinn virðist helzt vilja, þá væri ekki haðt að gera þetta, nema með því að tvö þing samþykktu það og kosningar færðu fram í milli. Þetta er mjög veigamikill vinningur og getur orðið þýðingarmeiri heldur en menn í dag gera sér ljóst, ef snögglega þætti nauðsynlegt að bregða við í málinu.
2. Hitt tel ég þó enn meira virði, að þegar íslendingar tilkynna Bandaríkjum, að þeir hafi í hyggju "að stofnað verði lýðveldi á Íslandi", þá fer stjórn Bandaríkjanna að sönnu fram á að þetta verði ekki gert fyrr en eftir árslok 1943, en hún lýsir jafnframt yfir því, að "hinax fyrirhuguðu breytingar á grundvallaratriðum í stjórnarfari Íslands sé mál, sem íslenzka þjóðin ein setti á friðartínum að taka ákvörðun um eftir óskum sínum og þörfum.

Að vísu höfðu Bandaríkin og Bretland viðurkennt Ísland sem "frjálst og fullvalda ríki" í sambandi við herverndunarsamninginn, sem ég áður hefi getið um. En í sambandslögunum er Ísland líka talið "Frjálst og fullvalda ríki", enda þótt Danir færðu með utanríkismál okkar og konungurinn var sameiginlegur. Með þessum nótuskiptum, sem ég gat um og fram fóru undir forystu ríkisstjórnarinnar, hafa nú Bandaríkin einnig viðurkennt, og það er ný viðurkenning, að eins og þar stendur, séu "breytingar á grundvallaratriðum í stjórnarfari Íslands mál, sem íslenzka þjóðin ein á að taka ákvörðun um. Með öðrum orðum, stofnun lýðveldisins, það er að segja slit konungssambandø

ins, það er mál sem íslenzka þjóðin á ein að taka ákvörðun um, að dómi Bandaríkjanna. Mikilvægi þessarar yfirlýsingar af hendi stærsta og voldugasta lýðríki heimsins liggur meðal annars í því, að réttur íslendinga á að slíta konungssambandinu er ekki grundvallaður á neinum sérstökum samningum, heldur helgast hann af eðli málsins og óskum og þörfum íslendinga. Íslendingar hafa löngu lýst sinni skoðun og vilja. Nú hafa Bandaríkin sagt sitt álit. Samkvæmt því vitum við nú, að ef svo skyldi fara við friðarborðið, að einhver yrði til að vefsengja rétt okkar í þessum efnum, hvort heldur er um ógildingu sambandslaganna eða slit á konungssambandinu, þá hafa Bandaríkin, sem sjálf sagt ekki verða minnsti aðilinn við friðarborðið, þegar sagt: Herrar mírir, þetta er mál, sem íslendingar eiga einar að taka ákvörðun um eftir óskum sínum og þörfum. ~~Agæti~~ pessa sigurs í sjálfstæðisbaráttunni verður ekki vegið eða metið í dag.

### Framtíðin

Þetta er saga málsins, en framtíðin skiptir að sjálfsgöðumestu. Stjórnarskrárnefndin, sem skipuð var á vorþinginu 1942 hefir nú lokið störfum. Hún hefir lagt til einróma, að málínus verði lokið að fullu þannig, að lýðveldið verði stofnað og ríkisforseti kosinn í síðasta lagi 17. júní 1944. Um þetta á öll þjóðin að sameinast. Hún gerir það vonandi öll, áður en lýkur. Að vísu eru einstaka svikamerðir að verki. Sumir þeirra látaст vera rammir í sjálfstæðismálínus, heimta alveg tafarlaust afgreiðslu málsins, en nota þó hvert tækifæri til þess að reyna að spana til úlfúðar og deili um það. Aðrir eru með bollaleggingsar um að það sé ódrengilegt gegn Dönum að ljúka málínus fyrr en eftir að samtöl og samningaumleitanir milli íslendinga og Dana hafi farið fram að ófriðarlokum. Ég veit nú ekki, hvort

fer svo mikið fyrir drengskapnum hjá sumum þeirra, sem  
flest fjasa um þetta, og það er kannski ekki heldur miklu  
fyrir að fara yfirleitt í stjórnmálabaráttu Íslendinga,  
þar sem drengskapurinn er. En auk þess er það ekki  
annað en barnaskapur að vera að tala um einhvern ódreng-  
skap í sambandi við tafarlausa afgreiðslu málsins. –  
Við höfum fyrir löngu, begar árið 1928 tilkynnt Dönum,  
að við setluðum að ljúka þessu málí þegar í stað, er  
sambandslagasamningurinn heimilaði, og ef ekki hefði  
komið til styrjaldar, þá hefðum við stofnað okkar lýð-  
veldi 1944. Ég get nú ekki séð, að hægt hefði verið að  
gagnrýna Íslendinga, þó þeir hefðu stofnað lýðveldi  
þegar í stað árið 1940, eftir að Danmörk var hernumin.  
En þyki mönnum þó, sem um það megi deila, þá er hitt  
að minnsta kosti alveg augljóst mál, að stofnun lýð-  
veldis eftir árslok 1943 getur á engan háttalizt brigð-  
meli við Dani, eða valdið þeim nokkrum vonsvikum.  
Menn eru að tala um að við settum að ræða við Dani, áður  
en við stofnuðum lýðveldið. Um hvað er að ræða? Okkar  
ákvöröun er föst og óumbreytanleg. Danir gætu því aldrei  
haft þar um neitt að segja, annað heldur en þá að leggja  
á það sitt samþykki. Efnislega kemur það því í nákvæm-  
lega sama stað niður, hvort við tölum við Dani eða ekki.  
Ef Danir hins vegar setluðu að freista þess að bregða fyrir  
okkur fæti í því skyni að reyna að raska niðurstöðu máls-  
ins, þá er það ekki skylda neins Íslendinga, nái bíða  
eftir þeim aðgerðum, sem mér raunar heldur ekki dettur í  
hug að kemmu til greina.

Af þessu er bert, að hrein fásinna er að halda, að svo  
mikið sem grunur geti leikið á því, að ódrengilegt sé  
gegn Dönum að ljúka málinu tafarlaust eða að láta sér  
detta í hug, að þeirra vegna sé yfirleitt nokkur ástæða  
til að seinka ferðum okkar.

Flestir viðurkenna þetta líka, að minnsta kosti að athuguðu málí. En þrátt fyrir það heyrist ein og ein rödd, einnig meðal þeirra, sem tala um málið af þeirri alvörugefnu einlægni, sem því hæfir, sem segir að ekkert liggi á.

Það er ekki hvegt að færa fram á opinberum vettvangi öll þau rök, er sanna villu þessarar staðhæfingar. En þó þykir rétt að drepa á einstakar veigamiklar staðreyndir.

### Lífsnauðsyn

Nú orðið vita allir, að það er bjóðinni lífsnauðsyn að fara sjálf og ein með sín utanríkismál. Enginn danskur maður getur þar gert Íslandi sama gagn eins og íslendingurinn sjálfur. Þetta stafar ekki eingöngu af því, að erlendir menn öðlast yfirleitt ekki sömu þekkingu og skilning á högum, háttum og þörfum bjóðarinnar eins og landsins eigin synir, heldur einnig af því, að enginn danskur maður hefir sömu aðstöðu gagnvart erlendum utanríkisráðuneytum, til að fá uppfylltar óskir íslendinga, eins og íslendingurinn, sem þangað kemur, til þess að flytja mál sinnar bjóðar.

Allt þetta vita íslendingar nú orðið. En hvers vegna? Það er vegna þess að nú eru þeir búnir að heyra um það dóm reynslunnar, - sjá og heyra nægjanlega mörg dæmi deginum ljósari því til-sönnunar.

Allt öðru málí gegnir um konungssambandið. Fyrir kostum þess og göllum hafa miklu ferri gert sér grein. Það mál er viðkvæmt og verður því lítið rætt, en þó vil ég leiða athygli að því, sem ég engan hefi heyrt synja fyrir, að auk þess sjálfsagða metnaðar íslendinga, að vilja að

heimurinn viti, að þeir eru í einu og öllu sjálfstæð  
þjóð, þá er það mjög oft beint og stórvægilegt hags-  
munamál, að ekki sé ruglað saman réitunum svo að okkar  
hagur sé talinn Dana hagur, og Dana þarfir okkar þarfir.  
Um þetta þekkjum við nóg dæmi, sem lengi höfum fengizt  
við utanríkisverzlu og sjálfsagt kunna aðrir að segja  
svipaða sögu af sínum verksviðum.

Þetta er staðreynd. Önnur staðreynd er sú, að meðan við  
höfum sama konung og Danir, verðum við í augum allflestra  
í umheiminum danskir. Einnig um það kunna margir að segja  
sögur af eigin reynd.

Það er þess vegna ekki að eins metnaðarmál, heldur og mjög  
stórvægilegt fjárhagslegt hagsmunamál að öruggur endur  
verði á þetta mál bundinn. Og það er engum vafa undirorpíð,  
að við tryggjum það langsamlega bezt með því að vera búinir  
að ganga frá okkar málum að fullu og öllu áður en kemur  
að friðarborðinu. Ég efast ekki um, að þegar að því  
kemur, þá muni Danir hugsa eins, þó að þeir séu orðnir  
frjálsir og þeir gera nú, meðan þeir eru undir járnhælnum  
og geti þess vegna, þá eins og nú, unnt okkur alls hins  
bezta. En ég veit ekkert fremur heldur en aðrir um þetta  
og heldur ekki um það, hvort ekki fleiri en Danir vilja  
þá hafa tillögurétt í málinu, að minnsta kosti um konungs-  
sambandið. Við eигum þess vegna að ljúka málinu tafar-  
laust. Margir munu óska eftir að það verði afgreitt á  
þinginu í haust. Alþjóðarathvæðagreiðsla fari svo fram  
næsta vor og forsetakjörið 17. júní 1944. Ég fyrir mitt  
leyti gæti vel sætt mig við, úr því sem komið er, að borið  
veri fram slikt frumvarp á haustþinginu, en að frestað  
yrði að afgreiða mális, þar til eftir nýárið, þó að því

tilskyldu að allir flokkar gefa alveg skýlausa yfirlysingu um, að þeir séu þá þegar að efni og formi í einu og öllu orðnir ásáttir um málið, en hafi eingöngu frestað því til þess að jafnvel einnig síðasta formlega afgreiðsla Alþingis á því fari ekki fram fyrr en eftir árslok 1943. Ættu þá jafnframt allir flokkar þingsins að skuldbinda sig til þess að afgreiða málið tafarlaust, sem fyrsta mál Alþingis, strax og það kemur saman í febrúarmánuði, eða hvensem, sem það yrði fyrri hluta ársins 1944.

Öll rök hníga að því að Íslendingar eigi tafarlaust að sameinast um að ljúka sjálfstæðismálinu, stíga lokasporið á þá lund, er ég hefi hér greint. Við eigm meðal annars að ljúka málinu vegna þess, að þegar lokasporið er stigið í sjálfstæðisbaráttunni og markinu náð, þá mun það sannast sem fyrr í sjálfstæðisbaráttu þjóðarinnar, að hér unninn sigur er nýr aflgjafi, ný lind framtaks og velmegunar og menningar. Og Íslendingar. Nú kannski fremur en nokkru sinni áður þarfum við á öllu okkar að halda.